

午1

44

溫熱病類方

醫學索源



温  
热  
病  
类  
方



北京中医药大学图书馆版权所有

溫熱病類方引

溫熱之謬治自古皆然稽仲景傷寒論自序曰宗族素多未十稔而死亡三之二傷寒者十居七感往昔之淪喪傷橫天之莫救乃撰用素問九卷八十一難爲傷寒卒病論非卽爲溫病救誤作乎故兼風兼溼兼暑各分條類以苦燥溼以寒清熱風溼相搏治以卒溫佐以苦降風熱相兼治以甘寒佐以辛涼其立方之準當而加減處用藥之嚴密雖後世著家不能出其範圍但增證愈詳用藥愈多而離病愈歧矣茲集先錄靈素明仲景之所本也有不足者並採金匱而補之亦趙中令讀魯論之微意爾

溫熱病類方

撫松隱者味清氏述

內經靈樞素問原病篇並傷寒金匱二書皆擇最切溫熱風

溫溼溫諸證之顯而必讀者亦使知張仲景先師言溫之有

所本也

生氣通天論冬傷於寒春必病溫

故傷寒序例曰冬時嚴寒萬類深藏君子固密則不傷於寒

金匱真言論夫精者身之本也故藏於精者春不病溫

熱論凡病傷寒而成溫者先夏至日者為病溫後夏至日者為病

暑暑當與汗出勿止

刺熱論肝熱病者小便先黃復痛多臥身熱熱爭則狂言及驚脇



南京中医药大学图书馆版权所有

滿痛手足躁不得安臥庚辛甚甲乙大汗氣逆則庚辛日死刺足厥陰少陽氣逆則頭痛員脈引衝頭也心熱病者先不樂數日乃熱熱爭則卒心痛煩悶善嘔頭痛面赤無汗壬癸甚丙丁大汗氣逆則壬癸死刺手少陰太陽

脾熱病者先頭重頰痛煩心顏青欲嘔身熱熱爭則腰痛不可用俛仰腹滿泄而頷痛甲乙甚戊己大汗氣逆則甲乙死刺足太陽陽明

肺熱病者先淅然厥起毫毛惡風寒舌上黃身熱熱爭則喘欬痛走胸膈背不得太息頭痛不堪汗出而寒丙丁甚庚辛大汗氣逆則丙丁死刺手太陰陽明出血如大豆立已

腎熱病者先腰痛胛痠苦渴數飲身熱熱爭則項痛而強胛寒且痠足下熱不欲言其逆則項痛員員澹澹然戊己甚壬癸大汗氣逆則戊己死刺足少陰太陽

肝熱病者左頰先赤心熱病者顏先赤脾熱病者鼻先赤肺熱病者右頰先赤腎熱病者頤先赤病雖未發見赤色者刺之名曰治未病

治諸熱病以飲之寒水乃刺之必寒衣之居此寒處身寒而止

太陽之脈色榮顴骨熱病也榮未交曰今且得汗待時而已與厥陰脈爭見者死期不過三日其熱病內連腎

少陽之脈色榮頰前熱病也榮未交曰今且得汗待時而已與少



陰脈爭見者死期不過三日

經文止舉太陽少陽兩證不及他經疑有脫簡

評熱論帝曰有病溫者汗出輒復熱而脈躁疾不為汗衰狂言不能食病名為何歧伯曰名陰陽交交者死也

此交字非交通乃交病也交互為病無法

可治故死耳下文發明交病

人之所以汗出者皆生於穀穀生於精今邪氣交爭於骨肉而得汗者是邪却而精勝也精勝則當能食而不復熱復熱者邪氣也汗出者精氣也今汗出而輒復熱是邪勝也不能食者精無俾也病而留者其壽可立而傾也且夫熱論曰汗出而脈尚躁盛者死今脈不與汗相應此不勝其病也其死明矣狂言者是失志失志者死今見三死不見一生雖愈必死也



論疾診尺篇尺膚熱甚脈盛躁者病溫也其脈盛而滑者病且出也

平人氣象論人一呼脈三動一吸脈三動而躁尺膚熱曰病溫尺不熱脈滑曰病風脈澀曰痺

生氣通天論因於暑汗煩則喘喝靜則多言

刺志論氣盛身寒得之傷寒氣虛身熱得之傷暑

玉版論要曰病溫虛甚死

熱病論熱病三日而氣口靜人迎躁者取之諸陽五十九刺以瀉其熱而出其汗實其陰以補其不足者身熱甚陰陽皆靜者勿刺也其可刺者急取之不汗出則泄所謂勿刺者有死徵也





熱病七日八日動喘而弦者急刺之汗且自出淺刺手大指間  
熱病七日八日脈微小病者溲血口中乾一日半而死脈代者一  
日死

熱病已得汗出而脈尚躁喘且復熱勿刺膚喘甚者死

熱病不知所痛耳聾不能自收口乾陽熱甚陰頗有寒者熱在骨  
髓死不可治

熱病已得汗而脈尚躁盛此陰脈之極也死其得汗而脈靜者生  
熱病者脈尚躁盛而不得汗者此陽脈之極也死脈盛躁得汗靜  
者生

帝曰熱病已愈時有所遺者何也岐伯曰諸病遺者熱甚而強食

之故有所遺也若此者皆病已衰而熱有所藏因之其穀氣相薄  
兩熱相合故有所遺也帝曰治遺奈何岐伯曰視其虛實調其逆  
從可使必已也帝曰熱病當何禁之岐伯曰病熱少愈食肉則復  
多食則遺此其禁也

陽明脈解足陽明之脈病惡人與火聞木音則惕然而驚鐘鼓不  
爲動聞木音而驚何也岐伯曰陽明者胃脈也胃者土也故聞木  
音而驚者土惡木也帝曰其惡火何也岐伯曰陽明主肉其脈血  
氣盛邪客之則熱熱甚則惡火帝曰其惡人何也岐伯曰陽明厥  
則喘而惋惋則惡人帝曰或喘而死者或喘而生者何也岐伯曰  
厥逆連臟則死連經則生帝曰病甚則棄衣而走登高而歌或至



不食數日踰垣上屋所上之處皆非平素所能也病而反能者何也岐伯曰四肢者諸陽之本也陽盛則四肢實實則能登高也帝曰其棄衣而走者何也岐伯曰熱甚於身故棄衣欲走也帝曰其妄言詈罵不避親疏而不欲食不欲食故妄走也

刺法論帝曰余聞五疫之至皆相染易無問老幼病狀相似不施救療如何得可不相移易岐伯曰不相染者正氣存內邪不可干

此條惟疫證所獨有下節同

六元正紀曰土鬱之發爲嘔吐霍亂不遠熱則熱至熱至則身熱吐下霍亂

至真要曰諸熱瞀瘵諸逆衝上諸躁狂越皆屬於火諸轉反戾水

液渾濁諸嘔吐酸暴注下迫皆屬於熱

此靈素論溫熱風溫溼熱溫毒疫霍亂之提綱也故追索原

文錄其大略耳

傷寒論金匱原病篇

太陽病發熱而渴不惡寒者為溫病

此太陽篇開章提綱原文

太陽病若發汗已身灼熱者名曰風溫風溫為病脈陰陽俱浮自

汗出身重多臥睡鼻息必鼾語言難出若被下者小便不利直視

失溲若被火者微發黃色劇則如驚癇時瘵癡若火薰之一逆尙

引日在逆促命期

此擬麻杏甘石湯在後

太陽中熱者暍是也其人汗出惡寒身熱而渴也



太陽中暈者發熱惡寒身重而疼痛其脈弦細乳遲小便已漉漉然毛聳手足逆冷小有勞身即熱口開前板齒燥若發汗則惡寒甚加溫鍼則發熱甚數下之則淋甚

三陽合病脈浮大

弦

關上但欲眠睡目合則汗

太陽病關節疼痛而煩脈沈而細者此名溼痺其候小便不利大便反快但當利其小便

溼家之爲病一身盡疼痛發熱身色如薰黃

溼家其人但頭汗出背強欲被覆向火若下早則噦胸滿小便不利舌上胎者以丹田有熱胸中有寒渴欲得水而不能飲則口燥也



問曰風溼相搏一身盡疼痛法當汗出而解值天陰雨不止醫云此可發汗汗之病不愈者何也答曰發其汗汗大出者但風氣去溼氣在是故不愈也若治風溼者發其汗但微微似欲汗出者風溼俱去也

此麻杏薏草湯證也

病者一身盡痛發熱日晡所劇者此名風溼此病由於汗出當風或久傷取冷所致也  
百合病者百脈一宗悉致其病也意欲食復不能食常默然欲臥不能臥欲行不能行飲食或有美時或有不用得藥則劇吐利如有神靈者身形如和其脉微數每溺時頭痛者六十日乃愈若溺時頭不痛淅淅然者四十日愈若溺時快然但頭痛者二十日愈

其證或未病而預見或病四五日出至一月微見者各隨證治之  
狐螫之爲病狀如傷寒默默欲眠目不得閉臥起不得安蝕於眼  
爲螫蝕於陰爲狐不欲飲食惡聞食臭也其面目或乍赤乍黑乍  
白

陽毒之爲病面赤斑斑如錦紋咽喉痛唾膿血陰毒之爲病面目

青身痛如被杖咽喉痛均五日內可治七日不可治

然古方此條  
疑有誤簡俟

考

傷寒論師曰伏氣之病以意候之今月之內欲有伏氣假令舊有  
伏氣當須脈之若脈微弱者當咽中痛似傷非喉痹也病人云實  
咽中痛雖爾今復欲下利



太陽與少陽合病自下利者與黃芩湯若嘔者黃芩加半夏生薑

湯主之

取黃芩所以對桂枝也

太陽病桂枝證醫反下之利遂不止脈促者表未解也喘而汗出者葛根芩連湯主之

發汗後汗出而喘無大熱者可與麻杏甘膏湯主之發汗後飲水多者必喘以水灌之亦喘

下後若汗出而喘無大熱者可與麻杏甘膏湯主之

傷寒脈浮緩身不痛但重乍有輕時無少陰證者可與麻杏甘膏

湯

原文係大青龙湯恐有錯簡輕病不宜重劑故也

太陽病發熱惡熱多寒少脈微弱者此無陽也不可更汗宜桂枝





二越婢一湯

風溫一身盡疼發熱麻杏薤草湯主之

傷寒脈浮滑此表有

發

熱裏有

鬱

寒白虎湯主之

傷寒脈滑而

外

厥者裏有熱也白虎湯主之

三陽合病腹滿身重難以轉側口不仁而面垢譫語遺尿發汗則譫語下之則額上生汗手足逆冷若自汗者白虎湯主之

服桂枝湯大汗出後大煩渴不解脈洪大者白虎加人參湯主之  
傷寒脈浮發熱無汗其表不解者不可與白虎湯渴欲飲水無表證者白虎加人參湯主之

傷寒若吐若下後七八日不解熱結在裏表裏俱熱時

時

惡風大

